



Vita de ploania y de paisc



A tū fedei, Signur, ne ven la vita nia tuta mo trasformada.
(prefaziun dla messa da Requiem)

La ploania tól comié da **Anna Daverda Rindler** (de Nichele, † 27.01.2023, 90 agn). Ai familiars vá nostes condolianzes por la mort dla fomena, oma, la y so. Che le Signur toli sō sōa anima te sōa abitaziun lominosa de ligreza y de pêsc!



“I te cherdi con to ennom” dij le Signur.

Con le Sacramont dal Bato ven tuc sō tla comunité dla Dlijia: **Iaco Schörghuber** (Al Plan). La ploania d’La Pli ti fej les mius aodanzas ai geniturs Philipp Schörghuber y Anita Obwegs: che Idio, la Oma dal Ci y le Sant Patron acompagneii Iaco con sōa benedisciun y proteziun.

- **Sontada dal consei de ploania en dedolönesc ai 31 de iener:** encuntada con le consei d’aministraziun, de dla ploania, Carsema, Pasca y dis dles crusc.



Enformaziuns y termins

“**Dis de preparaziun al maridé**”: le Sorvisc ai Jogn Val Badia met a jí i “Dis de preparaziun al maridé” **dla sabeda 15 ala domegna 16 d’aorí** tal Zënter dla Jonëza y dla Cultura “SaJ.un” a La Ila. Le curs sará por ladin y na picia pert por todesch. Le program preveiga referac y formaziun tal ciamp dla comunicaziun, relaziun, spiritualité, sanité y dert. I referenc sará dr. Kastlunger Lois (coordinadú), dr. Ferdigg Christian (pert religiosa), dr. Pedevilla Christian (avocat) y Massardi Petra (consulenta). Le curs é limité a 12 pers y por che Osta prenotaziun ái valüta Ves periunse da Ves prenoté te Sorvisc ai Jogn, ☎ 0474 523070 o info@jogn.org, **anter le 31 de merz**. Le cost é de 180,00 € a per (curs + 2 iadi marena).

Le Saltá: tla pröma ediziun dla plata de Comun „Le Saltá“ gnarál ince publiché la foto dai nasciüs dertan l’ann 2022, tan ennant che i geniturs é a öna. Chi co oress lascé publiché, é bel periés da mené en retrat te bona ressoluziun a palfnader@rolmail.net anter le vendres ai 17 de forá. Lapró él da scrí cōsta frasa: “Nos geniturs sun a öna che al vëgni publiché la foto de (ennom) tal Saltá”.

Döt le bun a:

Franz Kehr	* 30.01.1948
Paola Rigo Vigg, <i>Rina</i>	* 01.02.1933
Franz Trebo	* 01.02.1943
Signor Klaus Sottsas, <i>ploan</i>	* 03.02.1965

y a düc chi co á santennom y complesc i agn cōst’edema

Impressum: Ploania d’La Pli; redaziun Franz Rigo y Edith Willeit
Comunicaziuns: **cina le dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 Mhz

UNITÉ PASTORALA



VAL BADIA
www.unitepastorala.org

Ann A

29.01.2023 - 4. domegna ia por l’ann

n. 10

Ralegrésse y iubilede: gran sará osc paiamont tal ci. Alleluia.

(aclamaziun dan le Vangelo)

☞ **Sof 2, 3; 3, 12–13 | 1 Cor 1, 26–31 | Mt 5, 1–12a**

Al n’é nia saorí da adoré les mosöres de Gejú te nosta vita da vignedé: scioldi y potenza nes emprescioneia y porchel sunse nia danré portés a miné che le monn sii da iudiche aladô de cōstes mosöres. Mo belo le profet Sofonia ti racomaneia a sōa jont da ponsé atramonter: da se tegní ala iustizia, al’umilté y ala verité, y ala fidonza te Chel Bel Dio. (1^a letöra). A cōstes döt d’atres mosöres, a conscidré ci che Chel Bel Dio valuteia, recorda san Paul te sōa letra a chi da Corint, canche al scrí: “Idio á chirí fora ci co é debl tal monn; y chel co ó se glorié, se glorieii tal Signur!” Gejú nes presenteia tles beatitudines la “charta magna” dal Regn y recorda a düc chi co vir, desch’an dij, tl’ombria sōn cōsc monn, da tó cōscionza de sōa grandeza por se sontí belo sen plens de ligreza: ei é i der’ fis de Dio, le Regn dal ci é por ei (Vangelo).

Dal Vangelo do San Mateo:

Te chel tomp, ¹canche Gejú odea le gröm de jont, él jü sōn na munt. Al s’á sonté jö, y sü discepui ti é jüs pormez. ²Spo ál motü man da baié y i istruía. ³Al á dit: Beac, chi co é püri dan da Idio; deache de d’ei é le regn dal ci. ⁴Beac, chi co plüra; deache ai gnará consolés. ⁵Beac, chi co é saurisc; deache ai ierpará la tera. ⁶Beac, chi co á fan y sei do la iustizia; deache ai gnará pasciontés. ⁷Beac, i misericordiusc; deache ai ciafará misericordia. ⁸Beac, chi co á n cör net; deache ai odará Idio. ⁹Beac, chi co fej pêsc; deach’an ti dijará fis de Dio. ¹⁰Beac, chi co ven porseghités por gauja dla iustizia; deache de d’ei é le regn dal ci. ¹¹Beac seise os, sc’i gneis dejonorés y porseghités y scraieis fora a vigne manira por mia gauja. ¹²Ralegresse y iubilede: Osc paiamont tal ci sará gran.



Os geniturs, spezialmonter os omes, sontede tai cōrs de üsc mituns le len dla fede cristiana co porta früc de vita eterna.

Sant Ojöp da Oies

☞ **Letöres dla 5. domegna ia por l’ann:**

Is 58, 7–10 | 1 Cor 2, 1–5 | Mt 5, 13–16

Edema liturgica dai 29.01. ai 05.02.2023

DOM 29. 06:30 09:30 10:00	4. domegna ia por l'ann <i>gran messa a Al Plan</i> corona: i periun por i miscionari gran messa en onú de Sant Ojöp da Oies por döta la ploania con introduziun dal liber nö "Laldun le Signur" y Bato de laco Schörghuber s.m. d'aniversar por † Lois Pedevilla, Soröa s.m. d'aniversar por † laco Burchia, Val s.m. †† Germano y Maria Frontull, Mareo	<i>Ojöp Freinademetz, Valerio, Gerhard</i> oferta por la ploania
Lön 30. 19:30	<i>Martina, Serena</i> s.m. por † Maria Rindler ved. Daverda, Corterei s.m. por vis y †† Rovara, Aroth	
Ded 31. → 14:00	<i>Giovanni Bosco, Scebio</i> s.m. de sopoltöra dla † Anna Daverda Rindler, Nichele	
Dem 01.	<i>Brigitte, Giovanna</i>	
Jöb 02. → 08:30	FESTA DLA PRESENTAZIUN DAL SIGNUR TAL TEMPL <i>Santa Maria dles cianderes, dal poch, (patrozinio) De dla vita consacrada</i> s.m. en onú de Santa Maria s.m. d'aniversar por † Carlo Pedevilla, La Munt s.m. d'aniversar por † Berto Ellecosta, Longega s.m. d'aniversar por † Iachin Ellecosta, Lüchesc/Falzes, → benedisciun de san Blaje	
Ven 03. → 14:00	pröm vendres - Blaje, Ansgar, Oskar, Simeon y Hannah s.m. de sopoltöra dla † Alma Obojes Willeit, Plazores	
Sab 04. 07:30 18:00	<i>Sabeda de Santa Maria Rabanus Maurus, Agata, Veronika</i> 2 ^a s.m. de sopoltöra por † Anna Daverda Rindler, Nichele s.m. por † Jan Maneschg, da Poz → benedisciun de san Blaje s.m. <i>prefestia a Al Plan</i>	
DOM 05. 06:30 → 08:30 → 14:00	5. domegna ia por l'ann De dla vita <i>gran messa a Al Plan</i> zelebrazium dla Parora de Dio funziun de rengraziamont dla vita y benedisciun dai pici mituns	<i>Ingenuin y Albuin veschi de Jénn, Adelheid, Elisabeth</i>
<i>ministronc:</i>	• lönesc y sabeda: Elisabeth y Matthias • domegna: Francesco O. y Daniel, Moses y Manuel	
<i>i recordun:</i>	Jep Rigo, Rara † 30.01.2017 Berto Ellecosta † 01.02.2015 Carlo Pedevilla, La Munt † 02.02.2020	

La "charta magna" dal Regn de Dio

I ponsun do:

Dötes les porsones chir la gran fortüna: sanité, comunité, sügherté, ligreza y suzes. Mo gonot ciaferes ma na "picia fortüna". Ince Gejú baia tal discurs dla munt de trus co porta ala fortüna: se fá pici dan da Chel Bel Dio, nia adoré violenza, porté pesc ... Al empormet a chi co vá chisc trus, la "gran fortüna" co ne se röa nia: chel co se ten a cöstes parores ará belo sen ligreza y pésc y ciafará la comunité con Chel Bel Dio, te chel che les speranzas se realiseia.

I periun:

Bel Dio, tö as sonté te nosc cör l'encorsciomun do fortüna y ligreza. Fá ch'i odunse ete che döt ven da töa man y che i dauriunse nosc cör a töes scincundes. Por Gejú Crist, nosc Signur.

Vesco Wilhelm Egger
"Sonntagsbibel"

Festa dla Presentaziun de Gejú tal templ



Tal cuarto mister de ligreza ponsunse a Gejú presenté tal templ

Signur Gejú Crist, tö es gnü jö dal ci por iluminé döta la jont. Lascia lominé te nüsc cörs la löm dla fede y fá ch'ara vegni refletada da nosta vita, por ch'i podunse goder por dagnora tal ci la ligreza de to lominus. Tö che te vires y regneies por dagnora. Amen.

I simboi cristiagn cuntés ai mituns (3)

I ciöf

I enforniu la dlijia y i altés con ciöf. Con cösc mostrunse: tla ciasa de Chel Bel Dio fajunse festa con Gejú. I ciöf da corusc é segni de ligreza y de benedisciun: tres ei podunse sontí l'amur de Chel Bel Dio, deache döt ci co cresc é söa scincunda. En la festa de rengraziamont dla racoüda enforniu la dlijia nia ma con ciöf, mo ince con i früc dla tera. Ince chisc él Chel Bel Dio co lascia cresce por nos. Dui ciöf á na importancia particulara. Gonot ne i metunse nia ma te dlijia, mo ince sön le fosses de nüsc defunc:

La resa

La resa é en segn d'amur y de beleza. Söes spines se deida recordé che pla vita aldel ince la soferonza.

Le gile

Dandadöt le gile blanch simboliseia la pureza y l'inozonza. Porsones che Chel Bel Dio á particularmonter chirí fora ven gonot rapejentes con en gile desco Santa Maria o d'atri sanc dla Dlijia.

